

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10 i 3/23), te Strategije razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“ broj: 3/21), Akcionog plana za implementaciju Strategije razvoja Zeničko-dobojskog kantona za period 2026.-2028. godina, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 125. sjednici, održanoj 17.04.2026. godine, d o n o s i

## **ZAKLJUČAK**

### **I.**

Daje se saglasnost na prijedlog Programa sufinansiranja obrazovanja odraslih za potrebe IT/AI tržišta rada Zeničko-dobojskog kantona u 2026. godini, Ministarstva za rad, socijalnu politiku i izbjeglice i Regionalne ekonomske zajednice REZ.

### **II.**

Ovlašćuje se ministar Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Program iz tačke I. ovog zaključka.

### **III.**

Vlada Zeničko-dobojskog kantona će po davanju saglasnosti na Program, donijeti posebnu odluku o odobravanju sredstava za sufinansiranje istog, nakon čega će sredstva biti doznačena Regionalnoj ekonomskoj zajednici REZ za realizaciju Programa.

### **IV.**

Za realizaciju Programa zadužuju se Ministarstvo za rad, socijalnu politiku i izbjeglice i Regionalna ekonomska zajednica REZ, svako u okviru svoje nadležnosti.

### **V.**

Zaključak stupa na snagu danom donošenja.

Broj: 02-\_\_\_\_\_/26  
Datum, 17.04.2026. godine  
Zenica

**PREMIJER**

*Nezir Pivić*

DOSTAVLJENO:

1x Ministarstvo za rad, socijalnu politiku i izbjeglice,  
1x Regionalna ekonomska zajednica REZ, putem Ministarstva,  
1x a/a.

**PROGRAM SUFINANSIRANJA OBRAZOVANJA  
ODRASLIH  
za potrebe IT/AI tržišta rada  
Zeničko-dobojskog kantona u 2026. godini**

Zenica, april 2026. godine

## **I PRAVNI I STRATEŠKI OSNOV PROGRAMA**

Ovaj Program pripremljen je u skladu sa Strategijom razvoja Zeničko-dobojskog kantona (ZDK) za period 2021.-2027. godina, Akcionim planom za implementaciju Strategije razvoja ZDK za period 2026.-2028. godina i Godišnjim planom rada Ministarstva za rad, socijalnu politiku i izbjeglice ZDK za 2026. godinu.

„Program sufinansiranja obrazovanja odraslih za potrebe IT/AI tržišta rada Zeničko-dobojskog kantona u 2026. godini“ (u daljem tekstu: Program) su sačinili Ministarstvo za rad, socijalnu politiku i izbjeglice (u daljem tekstu: Ministarstvo) i Regionalna ekonomska zajednica REZ d.o.o. (u daljem tekstu: REZ agencija).

Osnov za realizaciju Programa sadržan je i u Izvještaju Evropske komisije o BiH za 2025. godinu, tačnije datim preporukama naračito za razvoj digitalnih vještina usklađivanjem obrazovnih programa s potrebama tržišta rada i pokretanje ciljanih programa dokvalifikacije (upskilling) zaposlenih u privatnom sektoru, te preporukom za jačanje digitalne transformacije malih i srednjih preduzeća kao jedan od ključnih faktora za jačanje konkurentnosti ekonomije.

## **II IZVOR FINANSIRANJA**

Ukupna finansijska sredstva koja su potrebna za realizaciju Programa planirana su u iznosu od 105.000,00 KM. Sredstva će biti obezbijeđena od strane Vlade Zeničko-dobojskog kantona putem Ministarstva za rad, socijalnu politiku i izbjeglice Zeničko-dobojskog kantona u iznosu od 50.000,00 KM i REZ agencije u iznosu od 55.000,00 KM.

REZ agencija trenutno provodi komplementaran projekat koji direktno stvara infrastrukturne i programske preduslove za realizaciju ovog Programa. Radi o projektu „Razvoj IT infrastrukture u ZDK 2026. godine“ (finansiran od strane Ministarstva za privredu ZDK i Federalnog ministarstva razvoja, poduzetništva i obrta). REZ agencija kroz ovaj projekat uspostavlja regionalnu mrežu IT/AI hubova u Zenici, Zavidovićima, Maglaju i Kaknju kao infrastrukturu za realizaciju ovog Programa. Tendencija da se mreža hubova proširi na sve općine ZDK.

Nosilac realizacije Programa je Regionalna ekonomska zajednica REZ d.o.o.

## **III ANALIZA STANJA NA TRŽIŠTU RADA ZDK U OBLASTI IT/AI**

Zeničko-dobojski kanton bilježi visoku stopu nezaposlenosti, posebno među mladima i osobama s neodgovarajućim formalnim kvalifikacijama. Istovremeno, sektor malih i srednjih preduzeća u Zeničko-dobojskom kantonu suočava se s rastućim jazom između dostupnih digitalnih kompetencija na tržištu rada i rastuće potražnje privrede za kadrovima sposobnim za primjenu AI i IT rješenja u poslovnim procesima.

Istraživanja i neposredna iskustva REZ agencije i Saveza udruženja poslodavaca ZDK ukazuju na četiri ključna strukturna izazova:

- Nizak nivo digitalizacije poslovnih procesa u većini malih i srednjih preduzeća (upravljanje zalihama, računovodstvo, marketing, ljudski resursi).
- Nedostatak znanja i vještina u AI oblasti AI kod zaposlenih i nezaposlenih osoba u Zeničko-dobojskom kantonu.
- Fragmentirana i nedovoljna ponuda neformalnih edukacija u oblasti IT/AI prilagođenih MSP sektoru.

- Rastuća regulatorna i tržišna potražnja za kadrom koji razumije digitalne i zelene poslovne prakse.

U kontekstu ubrzane digitalne transformacije i sve šire primjene AI tehnologija u poslovnim procesima, neformalno obrazovanje odraslih u IT/AI oblasti postaje ključan instrument unapređenja zapošljivosti i konkurentnosti kako radne snage, tako i lokalnih preduzeća. Predloženi Program direktno odgovara na ove izazove pružanjem praktičnog, tržišno relevantnog obrazovanja u opremljenim IT/AI hubovima.

#### **IV CILJEVI PROGRAMA**

Opšti cilj programa je povećanje zapošljivosti odraslih nezaposlenih osoba s evidencije JU Službe za zapošljavanje ZDK kroz sticanje praktičnih IT/AI kompetencija traženih na lokalnom i regionalnom tržištu rada, uz doprinos digitalnoj transformaciji sektora malih i srednjih preduzeća Zeničko-dobojskog kantona.

Specifični ciljevi Programa su:

- Podsticati osobe prijavljene na evidenciji nezaposlenih kod JU Služba za zapošljavanje Zeničko-dobojskog kantona na uključivanje u neformalne programe obrazovanja odraslih u svrhu zapošljavanja.
- Osigurati neformalno IT/AI obrazovanje za min. 40 nezaposlenih odraslih osoba (min. 30% žena, min. 40% mladih do 35 godina).
- Razviti i realizovati min. 2 modularna programa obuke prilagođena specifičnim potrebama sektora malih i srednjih preduzeća Zeničko-dobojskog kantona.
- Doprinijeti zapošljavanju min. 10 polaznika u roku od 6 mjeseci od završetka obuke, kroz pripremu polaznika za apliciranje na posao i povezivanje sa zainteresovanim malim i srednjim preduzećima registrovanim na području Zeničko-dobojskog kantona.
- Podržati digitalnu transformaciju min. 5 malih i srednjih preduzeća u Zeničko-dobojskom kantonu koji uključuje edukovane kadrove u vlastite procese.

#### **V CILJNA GRUPA I KRITERIJI SELEKCIJE**

Program je namijenjen odraslim nezaposlenim osobama koje su evidentirane u JU Služba za zapošljavanje ZDK i koje ispunjavaju sljedeće kriterije:

- evidentirani nezaposleni u JU Službi za zapošljavanje Zeničko-dobojskog kantona
- završeno minimalno srednje obrazovanje
- osnovna kompjuterska pismenost

Posebni kriteriji, koji će se primjenjivati u slučaju značajno većeg broja prijavljenih kandidata, mladi do 35 godina, žene, osobe u riziku od tehnološke nezaposlenosti.

Selekcija kandidata provodi se putem javnog poziva koji raspisuje REZ agencija, a koji će se objaviti i na web stranici Zeničko-dobojskog kantona i JU Služba za zapošljavanje Zeničko-dobojskog kantona. Finalna lista polaznika utvrđuje se zajednički uz obavezno osiguranje propisanih kvota rodne i starosne uključenosti.

## VI PROGRAMI OBUKE — SADRŽAJ I STRUKTURA

U okviru Programa realizuju se dva modularna edukativna programa razvijena u okviru projekta „Razvoj IT infrastrukture u ZDK 2026. godine“, a koji su prilagođeni specifičnostima sektora malih i srednjih preduzeća u ZDK:

### 1. Modul A - AI alati u poslovnim procesima MSP

Trajanje	60 sati (4 sedmice, kombinovani format)
Sadržaj	Primjena AI alata u marketingu, finansijama i upravljanju ljudskim resursima; automatizacija repetitivnih zadataka; AI-asistirano donošenje odluka; praktične vježbe na realnim poslovnim scenarijima iz ZDK konteksta
Ciljana zanimanja	Administrativni radnik, marketing asistent, HR asistent, poslovna analitika
Broj polaznika	20 osoba po modulu
Certifikat	Potvrda o stečenim kompetencijama (REZ IT/AI Akademija)

### 2. Modul B - AI u logistici, optimizaciji energije i zelenom poslovanju

Trajanje	60 sati (4 sedmice, kombinovani format)
Sadržaj	Primjena AI u upravljanju lancem snabdijevanja i logistici; AI alati za optimizaciju potrošnje energije i resursa; zelene poslovne prakse; priprema za ESG i ekološke regulatorne zahtjeve na EU tržištu
Ciljana zanimanja	Logistički tehničar, energetska asistent, operater CNC/automatizovanih procesa
Broj polaznika	20 osoba po modulu
Certifikat	Potvrda o stečenim kompetencijama (REZ IT/AI Akademija)

Oba programa realizuju se u formatima prilagođenim potrebama polaznika (uživo, online i hibridno) u prostorima Zencode IT huba Zenica, IT huba Zavidovići, IT huba Maglaj i IT huba Kakanj. Prostori su opremljeni savremenom IT opremom i AI softverskim licencama u okviru prethodno navedenog projekta REZ agencije.

## VII FINANSIJSKA KONSTRUKCIJA PROGRAMA

R.b.	Kategorija troška	Ukupno (KM)	Ministarstvo (KM)	REZ (KM)
1.	Izrada i prilagodba edukativnih programa i materijala	10.000	0	10.000
2.	Angažman predavača i AI eksperata	20.000	10.000	10.000
3.	Organizacija i logistika obuka (2 modula, 4 lokacije)	5.000	5.000	0
4.	Animiranje i selekcija polaznika (REZ agencija, Služba za zapošljavanje)	5.000	0	5.000
5.	Promotivne aktivnosti i završna manifestacija	5.000	5.000	0
6.	Administrativno upravljanje, mentoring i praćenje polaznika, izvještavanje	60.000	30.000	30.000
<b>UKUPNO</b>		<b>105.000</b>	<b>50.000</b>	<b>55.000</b>

Finansiranje REZ agencije osigurava se iz sredstava projekta „Razvoj IT infrastrukture u ZDK 2026.“ (grant Ministarstva za privredu ZDK i FMRPO) te iz vlastitih sredstava REZ agencije. Sredstva Ministarstva doznačavaju se REZ agenciji kao nosiocu realizacije prema dinamici definisanoj Ugovorom o implementaciji.

## VIII PLAN REALIZACIJE

Aktivnost	April –Maj	Juni	Juli –August	Septembar – Oktobar	Novembar – Decembar
Raspisivanje javnog poziva za polaznike	X				
Selekcija i upis polaznika	X	X			
Realizacija Modula A (AI u poslovnim procesima)		X	X	X	
Realizacija Modula B (AI u logistici i zelenoj ekonomiji)			X	X	X
AI klinike za MSP (praćenje zapošljavanja polaznika)				X	X
Monitoring i izvještavanje Ministarstvu	X	X	X	X	X
Završna manifestacija — IT/AI Sajam zapošljavanja					X

## **IX MONITORING, EVALUACIJA I IZVJEŠTAVANJE**

REZ agencija kao nosioc realizacije dužna je Ministarstvu za rad, socijalnu politiku i izbjeglice Zeničko-dobojskog kantona dostavljati:

- Inicijalni izvještaj s finalnom listom polaznika i rasporedom aktivnosti — u roku od 30 dana od potpisivanja Ugovora
- Kvartalni izvještaj o napretku realizacije s pratećom dokumentacijom (juni i septembar)
- Završni narativni i finansijski izvještaj — u roku od 30 dana od okončanja svih aktivnosti

Ministarstvo zadržava pravo provjere namjenskog korištenja sredstava i inspeksijskog nadzora aktivnosti obuke. JU Služba za zapošljavanje Zeničko-dobojskog kantona učestvuje u verifikaciji statusa nezaposlenosti polaznika pri upisu i prati njihov radni status po završetku obuke.

## **X ODGOVORNOSTI I OBAVEZE PARTNERA**

### **REZ agencija (nosioc realizacije)**

- Raspisuje javni poziv za prijavu polaznika i provodi selekciju
- Angažuje predavače i AI eksperte s odgovarajućim kompetencijama
- Osigurava prostor i opremu u IT/AI hubovima za realizaciju obuka
- Provodi monitoring i evaluaciju te dostavlja izvještaje Ministarstvu
- Integrira obuke u redovni program REZ IT/AI Akademije

### **Ministarstvo za rad, socijalnu politiku i izbjeglice Zeničko-dobojskog kantona**

- Osigurava i doznačava sufinansiranje u visini od 50.000,00 KM prema dogovorenoj dinamici
- Pruža institucionalnu podršku u promociji Programa prema nezaposlenim osobama
- Koordinira učešće JU Službe za zapošljavanje Zeničko-dobojskog kantona u selekciji i praćenju polaznika
- Vršiti nadzor i praćenje realizacije u skladu s važećim propisima

### **JU Služba za zapošljavanje Zeničko-dobojskog kantona (saradnik)**

- Vršiti verifikaciju statusa nezaposlenosti prijavljenih kandidata
- Učestvuje u promociji javnog poziva prema licima s evidencije
- Prati radni status polaznika nakon završetka obuke i dostavlja podatke REZ agenciji

## **XI DUGOROČNA ODRŽIVOST**

Ovaj Program osmišljen je kao inicijalna faza trajnog modela sufinansiranja IT/AI obrazovanja odraslih u Zeničko-dobojskom kantonu koji se zasniva na tri stuba održivosti:

- Institucionalna održivost: REZ IT/AI Akademija formalno integrira programe obuke u vlastiti redovni program, a partnerske JLS (Zenica, Zavidovići, Kakanj) osiguravaju minimalna operativna sredstva za rad hubova kroz redovne budžete.
- Finansijska održivost: Po završetku projekta, REZ agencija planira uvesti napredne komercijalne module za preduzeća, a dio prihoda će se koristiti za pokriće troškova besplatnih programa za nezaposlene u saradnji s Ministarstvom.
- Programska održivost: Kurikulum se redovno ažurira u saradnji sa Savezom poslodavaca ZDK prema aktuelnim potrebama tržišta rada, osiguravajući trajnu relevantnost sadržaja za zapošljavanje.

## **XII SAGLASNOST I POTPISI**

Na osnovu provedenih konsultacija i izražene zajedničke intencije za realizacijom ovog Programa, ovlašćena lica potpisnika saglasna su s ciljevima, sadržajem, finansijskom konstrukcijom i načinom realizacije Programa sufinansiranja obrazovanja odraslih za potrebe IT/AI tržišta rada Zeničko-dobojskog kantona u 2026. godini.

**Ministarstvo za rad, socijalnu  
politiku i izbjeglice Zeničko-  
dobojskog kantona**

**MINISTAR**

**Antonio Šimunović**

**Broj:  
Datum:**

**Regionalna ekonomska zajednica  
REZ d.o.o.**

**DIREKTOR**

**Ismet Sarajlić**

**Broj:  
Datum:**